

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel:00387 35 743 400, Fax:00387 35 743 433, e-mail:opcina@banovic.gov.ba, Web:www.banovici.gov.ba

Broj: 01-11-1319/23-4

Datum: 12. 07. 2023. godine

Na osnovu člana 69. stav (3), člana 70. stavovi 1., 4. i 6. Zakona o javnim nabavkama („Službeni glasnik BiH“ broj 39/14 i 59/22), člana 70. Zakona o organizaciji organa uprave u Federaciji Bosne i Hercegovine („Službene novine FBiH“, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06), člana 43. Statuta općine Banovići („Službeni glasnik općine Banovići“, broj: 2/20) i Rješenja Ureda za razmatranje žalbi, Filijala/Podružnica Mostar, broj: JN2-03-07-1-1325-7/23 od 06.07.2023. godine u postupku javne nabavke radova „Izvođenje radova na izgradnji energetske efikasne rasvjete na području općine Banovići“ Općinski Načelnik donosi

ODLUKU o poništenju postupka javne nabavke

Član 1.

Poništava se postupak javne nabavke radova „Izvođenje radova na izgradnji energetske efikasne rasvjete na području općine Banovići“ u skladu sa članom 69. stav (3) Zakona o javnim nabavkama BiH („Službeni glasnik BiH“ broj 39/14 i 59/22), a u vezi sa Rješenjem Ureda za razmatranje žalbi, Filijala/Podružnica Mostar, broj: JN2-03-07-1-1325-7/23 od 06.07.2023. godine kojim se poništava Tenderska dokumentacija broj: 01-11- 1319/23-1 od 13.04.2023. godine zajedno sa Obavještenjem o nabavci broj: 1220-1-3-37-3-38/23 od 13.04.2023. godine.

Član 2.

Ova Odluka stupa na snagu danom donošenja i objavit će se na internet stranici www.banovici.gov.ba u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14 i 59/22).

Obrazloženje

Postupak javne nabavke radova „Izvođenje radova na izgradnji energetske efikasne rasvjete na području općine Banovići“ pokrenut je Odlukom o pokretanju postupka javne nabavke radova broj: 01-11-1319/23 na Portalu javnih nabavki dana 13.04.2023. godine.

Postupak nabavke je proveden putem otvorenog postupka za koji je objavljeno Obavještenje o nabavci broj: 1220-1-3-37-3-38/23 od 13.04.2023. godine.

U toku postupka javne nabavke izjavljena je žalba na tendersku dokumentaciju koju je Ured za razmatranje žalbi, Filijala/Podružnica Mostar usvojio Rješenjem broj: JN2-03-07-1-1325-7/23 od 06.07.2023. godine i poništio Tendersku dokumentaciju zajedno sa Obavještenjem o nabavci.

U skladu sa prethodno navedenim postupak javne nabavke radova „Izvođenje radova na izgradnji energetske efikasne rasvjete na području općine Banovići“ se poništava u cjelosti, a u skladu sa odredbama člana 69. stav (3) Zakona o javnim nabavkama BiH, te je odlučeno kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi Bosne i Hercegovine, Filijala URŽ-a u Mostaru putem ugovornog organa u roku od 10 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

DOSTAVITI:

- 1x www.banovici.gov.ba
- 1x Služba za privredu, planiranje i lokalni razvoj
- 1x U spis
- 1x a/a

